

08 FEBRUARIE
RUGACIUNEA
SF.CUVIOASE
LIUBOVA SUHANOVSKAIA
DE LA RIAZAN

Молитва

О, достоблаженная мати Любовь, угодница Христова! Услыши нас, грешных, молящихся тебе. Приими молитву нашу и принеси ю к Милостивому и Человеколюбцу Богу, Емуже ты ныне в радости святых и с лики Ангел предстоиши. Умоли Его благосердие, да сохранит град сей Рязань, в немже, добродетельно поживши, Богу угодила еси, от всех навет вражиих, да не осудит ны по беззакониям нашим, но да сотворит с нами по милости Своей. Испроси нам у Христа и Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим благое даруемое нам от Всещедрого Бога, но во славу Его и в

прославление твоего заступления. Паки молим
тя, блаженная мати наша Любовь, посещай нас,
тебе молящихся, в нуждах наших, да тобою
заступаемы, сподобимся в день Судный одесную
Сына Божия стати твоими святыми молитвами
ко Спасу и Пресвятей Его Матери,
Препоблагословенней Владычице нашей
Богородице, от всех родов ублажаемой, ныне и
присно и во веки веков. Аминь.